



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1748/13  
Sarajevo, 8.10.2013. godine

BOSNA I HERCEGOVINA			
PARLAMENTARNA SKUPŠTINA BOSNE I HERCEGOVINE			
SARAJEVO			
PRIMLJENO:	09.10.2013		
ORGANIZACIONA JEDINICA	KORISNICI	HRANI	BRJ
05-50-1-15-48/13			

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 65. sjednici održanoj 8.10.2013. godine, utvrdilo je Odgovor na zastupničko pitanje koje je postavio Mladen Ivanković Lijanović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-1748/13  
Sarajevo, 8.10.2013. godine

Mladen Ivanković Lijanović, zastupnik u Zastupničkom domu Parlamentarne skupštine Bosne i Hercegovine, na 48. sjedinici Zastupničkog doma Parlamentarne skupštine BiH održanoj 23. svibnja 2013.godine, postavio je sljedeće zastupničko pitanje:

1. „Da li će i kada Vijeće ministara BiH uputiti u parlamentarnu proceduru Zakon o pravima žrtava torture u BiH?“

Na postavljeno pitanje, Vijeće ministara Bosne i Hercegovine je na 65. sjedinici održanoj 8. 10. 2013. godine, utvrdilo sljedeći

**ODGOVOR**

Ministarstvo za ljudska prava i izbjeglice BiH je još 2005.godine, nakon razmatranja Prvog incijalnog izvješća o provedbi Konvencije Ujedinjenih naroda protiv torture i drugih nehumanih i degradirajućih tretmana i kažnjavanja od strane Komiteta, na temelju mišljenja Komiteta (CAT/C/BiH/CO/1 od 15.12.2005.godine), iniciralo formiranja radne skupine s predstavnicima vladinog i nevladinog sektora radi sačinjavanja zakonskog okvira kojim bi se riješilo pitanje žrtava torture i civilnih žrtava rata u Bosni i Hercegovini. Tako je u 2006.godine sačinjen tekst zakona o žrtvama torture i civilnim žrtvama rata u BiH koji nije dobio potrebnu potporu i nije upućen u parlamentarnu proceduru. Nakon toga je 2008.godine sačinjen novi tekst zakona o žrtvama torture i civilnim žrtvama rata koji je u formi prijedloga proslijeđen mjerodavnim institucijama na mišljenje. Prijedlog zakona o zaštiti žrtava torture i civilnih žrtava rata u BiH iz 2008.godine je ponovno dobio negativno mišljenje entiteskih vlada i resornih ministarstava na razini entiteta i BiH.

Vlada Republike Srpske je nakon razmatranja informacije o Prijedlogu zakona o zaštiti žrtava torture i civilnih žrtava rata u BiH, na 197. sjednici održanoj 11.11.2010.godine, donijela zaključak da nije suglasna s Prijedlogom zakona o zaštiti žrtava torture i civilnim žrtvama rata u BiH i dala mišljenje da se status žrtava torture u BiH može riješiti donošenjem okvirnog zakona na razini BiH, ukoliko Vlada Republike Srpske bude suglasna s tekstom prijedloga zakona, ili kroz odgovarajuće izmjene i dopune Zakona o zaštiti civilnih žrtava rata Republike Srpske.

Vlada Federacije BiH je u dostavljenom mišljenju na Prijedlog zakona o zaštiti žrtava torture i civilnim žrtvama rata u BiH također naglasila da su postojećim Zakonom o osnovama socijalne zaštite, zaštite civilnih žrtava rata i zaštite obitelji s djecom na zadovoljavajući način osigurana prava i visina novčanih naknada civilnim žrtvama

rata i članovima njihovih obitelji, žrtvama torture i obiteljima nestalih osoba u FBiH i negativno se izjasnila o Prijedlogu zakona o zaštiti žrtava torture i civilnim žrtvama rata u BiH, uz sugestiju da treba nastaviti postupak utvrđivanja zajedničkog i prihvatljivog prijedloga ovoga zakona između mjerodavnih entitetskih ministarstava i tijela Brčko distrikta BiH, uz koordinaciju Ministarstva za ljudska prava i izbjeglice BiH.

Ministarstvo za ljudska prava i izbjeglice BiH, u sklopu programskih zadataka utvrđenih u 2011. godine, ponovno je pokrenulo aktivnosti na izradi zakonskog okvira kojim bi se osigurala zaštita prava žrtava torture i civilnih žrtava rata u Bosni i Hercegovini. Pored ostalih aktivnosti, zaključilo je i Memorandum o suradnji s Udrugom građana „Vive žene“ iz Tuzle i obvezalo se na zajedničko djelovanje u pravcu provedbe dvogodišnjeg projekta „Zajedno protiv torture u BiH-Mreža“. Cilj projekta je ubrzanje procesa rehabilitacije žrtava torture u BiH i donošenje adekvatnog zakonskog okvira koji će im omogućiti pravnu i svaki drugi oblik zaštite.

Međuresorna radna skupina koju su činili predstavnici Ministarstva za ljudska prava i izbjeglice BiH i drugih mjerodavnih institucija u BiH, zajedno s predstavnicima nevladinih udruga koji rade sa žrtvama torture okupljenim u projektu „Zajedno protiv torture u BiH-Mreža“, započela je s izradom trećeg teksta zakona o pravima žrtava torture u BiH. Treći tekst zakona o pravima žrtava torture u BiH završen je krajem 2012. godine.

S obzirom da je u ranijim mišljenjima entiteskih vlada naglašeno da se izradi ovoga zakona ne može pristupiti bez njihove suglasnosti i da uloga Ministarstva za ljudska prava i izbjeglice BiH u ovome postupku može biti samo koordinirajuća, Ministarstvo je sačinilo sveobuhvatnu informaciju o svim dosadašnjim aktivnostima poduzetim na izradi pravnog okvira za reguliranje statusa žrtava torture i civilnih žrtava rata u Bosni i Hercegovini i informiralo vlade entiteta i Brčko distrikta BiH, te od istih zatražilo mišljenje o načinu na koji bi se predmetni problem mogao riješiti. Svoje očitovanje i traženo mišljenje dostavile su Vlada Federacije BiH i Vlada Brčko distrikta BiH.

U cilju potpunog sagledavanja ove situacije Ministarstvo za ljudska prava i izbjeglice BiH je i od Visokog sudbenog i tužiteljskog vijeća BiH zatražilo podatke o broju sudskih postupaka koji su vođeni kod sudova u BiH po tužbama bivših logoraša i drugih žrtava torture, radi naknade nematerijalne štete. U odgovoru Visokog sudbenog i tužiteljskog vijeća BiH obaviješteni smo da izvješća u automatiziranom sustavu za upravljanje predmetima u sudovima ne dozvoljavaju izdvajanje traženih podataka iz podataka o predmetima u sudovima koji se vode radi naknade nematerijalne štete. Pribavljanje traženih podataka od sudova zahtijevalo bi od sudova da izvrše izravni uvid u svoje evidencije. Za ovakvu vrste provjere potreban je duži vremenski period. Ministarstvo za ljudska prava i izbjeglice BiH će od Visokog sudbenog i tužiteljskog vijeća BiH ponovno zatražiti pribavljanje ovih podataka.

Posljednja aktivnost Ministarstva za ljudska prava i izbjeglice BiH koja je poduzeta u cilju dobijanja potpore za rješavanje ovoga pitanja, bila je upućivanje informacije Vijeću ministara BiH. Na isti način kao i entiteskim vladama i Vladi Brčko distrikta BiH, upućena je i Vijeću ministara BiH informacija o aktivnostima na izradi pravnog okvira za reguliranje statusa žrtava torture u Bosni i Hercegovini. Informacija je dopunjena aktivnostima koje su poduzete nakon što je zatraženo mišljenje entiteskih vlada i Vlade Brčko distrikta BiH i uz istu je dostavljen i zadnji (treći) tekst zakona o pravima žrtava torture u BiH.

Ministarstvo je predložilo je Vijeću ministara BiH, da nakon razmatranja predmetne informacije, usvoji zaključak kojim će se Zakon o pravima žrtava torture u BiH uvrstiti u Program rada Ministarstva za ljudska prava i izbjeglice BiH i Program rada Vijeća ministara BiH za 2013.godinu. Ministarstvo za ljudska prava i izbjeglice BiH će svoje daljnje aktivnosti po pitanju Zakona o pravima žrtava torture u BiH uskladiti sa zaključcima Vijeća ministara BiH.